

THE MURDER



1998

Moritätsänger:

Franz Eder, Hans Haslinger, Hans Rothmeier, Sepp Schmalhofer,
Georg Brummer, Ernst Günther Eckert

Zeichnungen:



Thomas Rothmeier, Hans Farnhamer

Idee:

Hans Farnhamer

Ois schönsta Ma vom
untan Rottoi
is da **Xare**
hoasß begehrt.
Kauft statt Tempo
für den Notfoi
„Allways“ ultra
dö hand vakehrt

Slip Einlagn
had er net kennd
schaut niamois unt-
-tas Weibahemd




Da **Winkler Martin**
woas zum varecka
nimma wo
sei Radl steht
schickt Pfadfinda
in alle Ecka
weils ohne Draht-
-esl net geht

Wia er probiert
s'nei Radl aus
find er dös oid
an Krankenhaus

An Maibaam schmeißt da
Reisner Franzl
Für d'Schambe-
-ka Feuerwehr
z'trimmert eahm sei
Bulldog-Kanzl
für'n Franz is dös
koa groaß Malheur

dös oide Glump
is endle hi
auf d' neu Maschin'
da gefreit er si



Dritta Gmoa Chef
Maier Wille
 CSU'lers
 erster Ma
 nimmt in d'Sitzung
 sei Tamagotsche
 dös eahm bei Zei'n
 aufwecka ka

Es schreit und plärrt
 und gibt koa Ruah
 Ja, ja so gehts
 im Rathaus zua



Da **Rinder Metzga**
 kauft an Christbaam
 den stehn'd d'Äst
 pfeigrad in d'Höh
 Zum aba biagn heifd
 grad nu s'eischwan
 mit Christbaam Ku-
 geln werds net geh

Ois oida Fuchs
 vom Loadn nimmt er
 ned o broachte
 Bierkugln her

Da **Seibold Heinerl**
 had an Blanga
 auf guade, oide
 fette Säu
 d'Loas wird gschlacht für
 d'Wurst duats glanga
 Frontlader her
 dös hama glei

Er schoit und werkt
 ka d'Sau ned hebn
 had er ihr do
 z'vui Fuada gebn

